

विरकुशया बाखँ



भाय् शुद्ध याःह
अन्तगारिका वीर्यवती

धर्मकीर्ति प्रकाशन (नेपाली भाषा)

- | | |
|---------------------------------|----------------------------------|
| (१) बौद्ध प्रश्नोत्तर | (२३) बौद्ध दर्पण |
| (२) बौद्ध दर्शन | (२४) सप्तरत्न घन |
| (३) नारी हृदय | (२५) सफलताको रहस्य |
| (४) बुद्ध शासनको इतिहास | (२६) मानव महामानव |
| (५) पटाचारा | (२७) निरोगी |
| (६) ज्ञानमाला | (२८) जातक कथा |
| (७) बुद्ध र वहाँको विचार | (२९) सतिपट्ठान विपस्सना |
| (८) शान्ति | (३०) प्रज्ञा चक्षु |
| (९) बौद्ध ध्यान | (३१) परिव्राण |
| (१०) पञ्चशील | (३२) पूजाविधि र कथा संग्रह द्वि. |
| (११) लक्ष्मी | (३३) मंले बुद्धको बुद्ध-धर्म |
| (१२) उद्धानको कथा संग्रह | (३४) ग्रामाबाबु र छोराछोरी |
| (१३) तथागत हृदय | (३५) स्नेही छोरी |
| (१४) महास्वप्न जातक | (३६) परित्तमुत्त (पाली भाषा) |
| (१५) बौद्ध जगतमा स्वास्थ्य सेवा | (३७) बुद्ध र बुद्ध धर्मको..... |
| (१६) मिलिन्द प्रश्न १, २ | (३८) बुद्ध र बुद्धपछि |
| (१८) श्रमण नारद तृ. सं. | (३९) धम्मवती |
| (१९) वेत्सन्तर जातक | (४०) बौद्ध-ज्ञान |
| (२०) सतिपट्ठान भावना | (४१) संक्षिप्त बुद्ध-जीवनी |
| (२१) बौद्ध विश्वासभाग-१,२ | (४२) मानव स्वभाव |

Dharmakirti Publication
(English)

1. Buddhist Economics & The Modern World
2. Dharmakirti Vihar Today
3. Dharmakirti Vihar
4. Dharmakirti in a Nutshell

विरकुशया बाखँ



भाय् शुद्ध याःह
अनगारिका वीर्यवती



प्रकाशक
धर्मकीर्ति बौद्ध अध्ययन गोष्ठी
धर्मकीर्ति विहार

प्रकाशक :

धर्मकीर्ति बौद्ध अध्ययन गोष्ठी

धर्मकीर्ति विहार,

श्रीघः नःघल टोल, काठमाडौं ।

फोन : २२०४६६

नेपाल सम्वत्- १११४

बुद्ध सम्वत्- २५३८

विक्रम सम्वत्- २०५१

ईस्वी सम्वत्- १९९४

प्रथम संस्करण : १५०० प्रति

मुद्रक :

नील सरस्वती छापाखाना

लाजिम्पाट, काठमाडौं ।

फोन : ४-१८०५४



रत्न शंकर स्थापित

जन्म : बिक्रम सम्वत् १९४३

मृत्यु : बिक्रम सम्वत् २०२१ जेष्ठ त्रयोदशी



THE NEW YORK
PUBLIC LIBRARY
ASTOR LENOX TILDEN FOUNDATION
1900

धर्मदान

जिमि दिवंगत बौ रत्न शंकर स्थापित व मां
माया स्थापितया नामं थ्व सफू धर्मदान याय्त
छापेयानाः पिकयागु खः । थ्व बाखँ जिमि बौ नं
आपालं दुःख कष्ट सियाः चवयादीगु खः । थ्व
सफूयात अनगारिका विर्यवतीं भाय् शुद्ध याना
बिज्याःगु खः । आः वय्कः अनन्त गुणं युक्तापि
दिवंगत जिमि मां बौ नं जिमित तोता झाल । उकिं
वय्कःपिनिगु गुण लुमंकाः मां, बौ सहित सकल
जाति बन्धुपिन्त व सकल प्राणीपिन्त थ्व धर्मदानया
पुण्यद्वारा संसार दुःखं मुक्त जुयाच्चंगु निर्वाणपथ
प्राप्त ज्वीमा धकाः कामना याना ।

धर्मदान यानापि-

जुजुरत्न स्थापित व पूर्णमाया स्थापित

सहित सकल परिवारपि

बाङ्गे नुदा, (थाय्मव् बाहा यें)

प्रकाशकीय

श्व सफू धर्मकीर्ति बौद्ध अध्ययन गोष्ठीया १६४ सच्छि
व ख्वीप्यगूगु सफू छिकपिनि न्ह्योने तय्दयाः जितः लय्ताः
वः ।

श्व सफू दिवंगत रत्न शंकर स्थापित व माया स्थापित
पिनि पुण्य स्मृतिस पिदना च्वंगु खः । अथे हे श्व सफू पुलांगु
नेवा भाषं हस्त लिखितया रूपय् च्वयातगु यात थौं कन्हैयागु
न्हूगु भाषं हीकाः संक्षेपीकरण समेत यानाः पिकयागु खः ।

थुगु सफू धर्मदान याय्गु मती तयाः आर्थिक गुहाली
ब्यूपि जुजुरत्न स्थापित सहित सकल परिवारपिन्त श्व पुण्यं
सदां भि ज्वीमा धयागु कामना याना । नापं थुगु पुण्यं दिवंगत
वय्कःया बौ रत्न शंकर स्थापित व मां माया स्थापितपिन्त
न्ह्याबले भि जुइमा धयागु कामना याना ।

सफू इले हे छापेयाना ब्यूगु व प्रुफ स्वया ब्यूगुलि नील
सरस्वती छापाखानायात धन्यवाद देछाया च्वना ।

१७ श्रावण २०५१

धम्मवत्ती
धर्मकीर्ति विहार

विरकुशया बाखँ

वाराणसी नगरय सुवन्धु धयाह्य जुजुं राज्य यानाचवन ।
 थुह्य जुजु साप न्यायप्रेमी प्रजापालक जुयाः ऐश्वर्यपूर्वक सुख
 भोग यानाचवन । तर सन्तान छह्य मदुगुया कारण मनय्
 तसकं सुख मदय्काः सन्तानया लागि कूल देवता पूजा यात ।
 अले कूल देवता प्रशन्न जुयाः जुजुयात ह्यगसय् घाल—
 “महाराज ! छं सन्तान पवनागु जूसा जि उपदेश बी, ध्व
 संसारय् श्री करुणामय विना मेगु छुं मदु वसपोलया भक्ति
 याना अष्टमी व्रत या, छं मस्यूसा गुरयाके न्यना शास्त्र
 अनुसार विधि विधान सकतां दय्काः व्रत धारण या । अले
 वसपोल प्रशन्न जुयाः सन्तान दय्काबी । अले जक छंगु कूल
 स्थीर ज्वी ।” थथे कूल देवतां आज्ञा दय्कगु न्यना जुजु
 तसकं आश्चर्य जुल । अले ह्यगसे कूल देवतां धाःथें पुरोहित
 सःतके छव्या वयात थःगु ह्यगसे म्हंगु फुक्कं खँ कन ।
 पुरोहितं नं जुजुयागु थुगु खँ न्यना तसकं आश्चर्य जुयाः
 अष्टमी व्रतया विधि विधान फुक्कं विन्ति यात । अले अष्टमी
 व्रतया महत्त्व कना ह्यापा जुयावंगु बाखँ छपु नं कन ।

“उपोषध धयाह्य जुजुयात नं सन्तान मदया खुद्व
 (६०००) रानीपि विवाह यात नं सन्तान प्राप्त मजुस्यलि

थः गुरुया आज्ञा अनुसार अमोघपास लोकेश्वरया भक्ति
याना अष्टमी व्रत धारण यात । अले तिनि सन्तान छह्य प्राप्त
जूल । उकिं उह्य जुजुया नां उपोषध घका प्रसिद्ध जुल ।’

गुरुया आज्ञा अनुसार अष्टमी व्रत दस्यलि सुवन्धु
जुजुया लिछ्यनय् कै छगः वयाः यक्व वासः यातनं मजिया
तगो जुयावल । मिला दस्यलि थुगु कै तज्याना उकिं तसकं
बांलाह्य, स्वीनिता लक्षणं सम्पन्नह्य राजकुमार छह्य जन्म
जुल । थुह्य राजकुमार जन्म ज्वीवं खुद्व रानीपिनि दुरु खाना-
वल । अले दक्व रानीपिनि थुह्य छह्य राजकुमारयात बाजि
बाजि दुरु त्वंकेगु यात । अथे जूगुलि थुह्य राजकुमारयात
मांघाता राजकुमार घकाः नां तल ।

थुह्य राजकुमार शुक्र पक्षया चन्द्रमा बढे जूथें ह्लि ह्लि
तःधिकः जुयाववं थःम्हं हे राज्यया भाला कयाः सकलें
प्रजापिन्त धर्म खँ कने फयाः नित्य अष्टमी व्रत याका आनन्दं
चवनाचवन ।

छन्हु थःगु नित्य अष्टमी व्रत सिधयकाः क्षीर पालन
याना पूर्णशालाय् वाःस याना विज्यात । चाह्लय् थुह्य जुजुं
तुञ्जया दश्वी मूत्र त्याग याःबले बीज उत्पन्न जुया थुगु बीजं
उत्पत्ति जूगु तुमा छमा तसकं तःपु जुया बढे जुजुं वल । उगु
तुमायात छचाःख्यरं मेगु तुमातसें चाःहुईक घेरे यानातःगु
जुयाचवन । मालि थ्व दृश्य खना तसकं आश्चर्य जुया थ्व खँ
जुजुयाथाय् कंवन ।

अले जुजुया मन्त्री व भारदारपि नापं ब्वनायंकाः
 स्वःवंबले उगु तुमा खना तसकं आश्चर्यं चायाः जुजु पुरोहित,
 ज्योतिष पण्डितपिन्त तयाः क्यना स्वःबले ईमिसं थ्व लक्षण
 तसकं बाँलागु व वंश स्थीर ज्वीगु लक्षण धकाः फुवकं खँ
 कनाथकल । थनलि कथहनं सुरुचि रानीया दुरु खानावल ।
 थ्व खना सकलें भन आश्चर्यं ज्वीका च्वन । छन्हु पुत्तीया
 चाहसिया स्वंगू प्रहरय् नसंचाः ईले थुगु तुमा पम्हुयाः तसकं
 बाँलाह्य कुमार छह्य जन्म जुल । अले सुरुचि रानी थुह्य
 राजकुमार कयाहयाः दुरु त्वंका लहिना तल ।

तर जुजुया मनय् तुमां जन्म जूह्य मचा गथे जुजु ज्वी फै
 धकाः शंका जुया हानं छकः राजपुरोहितपि सःतके छ्वया
 थःगु शंकाया बारे न्यना स्वःबले इमिसं अष्टमी ततया
 आनुभावं जन्म जूह्य मचा चक्रवर्ती जुजु ज्वी फै धका धाःबले
 जुजु व रानी निह्यस्यां मनय् हर्ष यांना ब्राह्मणपिन्त दान पुण्य
 यात । जन्म कर्म याःबले तुमां थःगु इच्छां जन्म जूह्य मचा
 जूगुलि पुरोहित पिसं थ्वया नां ईच्छाकुश धका नां प्रख्यात
 यानाबिल ।

थुह्य राजकुमारयात जुजु च्याह्य दुरु मांपि तयाबिल ।
 च्याह्य मध्ये निह्यस्यां दुरु त्वंकिगु, निह्यस्यां मलमूत्र त्याग
 याकीगु, निह्यस्यां वासः नकीगु व निह्यस्यां ह्यितका च्वनीग ।

थुह्य राजकुमार शुक्ल पक्षया चन्द्रमा बढे जूथें बढे जुया
 तःधिकः जुयावल । न्याद, खुदं दय्वं गुरयात लः ह्लाना

आखः स्यन । लिपि, व्याकरण आदि नाना प्रकारया काव्य शास्त्र, विद्या धनुर्विद्या इत्यादि सकतां पारंगत जुया वसेलि मांघाता जुजु हर्ष जुया भिगु दिन स्वयाः कन्या विवाह याना बिल । छन्हु भिगु दिन स्वया राज्याभिषेक यानाबिल ।

छन्हु मांघाता जुजु वृद्धावस्थाय् थ्यसेलि थःगु शीरय् च्वंगु मुकुट त्वया राजकुमारयात प्वीकाः सकल प्रजागणपाखे स्वयाः आज्ञा दयेकल, “भो प्रजागणपि आवंनिसें इक्ष्वाकुश महाराजा जुल । छिमिसं थुह्म जुजुया सेवा याना च्वं ।” घका घयाः थः पुत्रया पाखे नं स्वया आज्ञा दयेकल, “भो पुता थुगु राज्यया अभिभारा छन्त जुल । जिगु भाग्यं, करुणामयया दयां छर्थे जाःह्म पुत्र जन्म जुल । आः जि जन्म जुयागु सार जुल । छं अष्टमी व्रत तोतेमते । सामर्थ्य दुसा नित्य, मखुसा शूक्र पक्षस जक जूसां या । थुगु पुण्य धर्म मोक्षे लाना स्वर्ग-वास लाय् दई । थुजोगु धर्म गबलें तोतेमते । हानं प्रजागण-पिन्त दुःख बीमते ” । आदि घया हानं प्रजागणपाखे स्वयाः घाल, “भो प्रजागणपि छिमिसं गथे जितः मानेयाना वल, अथेहे जि काय्यात नं मानेयाना तयमाल ।” थुकथं अष्टमी व्रतया प्रशंसा कना सुरुचि रानी सहित तपोवनय् प्रस्थान यानाविज्यात ।

इक्ष्वाकुश जुजुं नं थः बौया आज्ञा पालन याना प्रजा-गणयात प्रतिपाल याना राज्य चले यानाच्वन । छन्हु न्यासःह्म रानीपि मुंकाः अष्टमीया दिन खुन्हु उपोषथ व्रत पालन याय्

धकाः दूतयात अलिदा महारानी सःतकेछ्वत । सःतःवःपि
 दूततय्के महारानीं गुकथं व्रत पालन याय्गु धकाः न्यंबले
 दूतं धाल— “व्रत याय्बले ह्वापां तीर्थ स्नान याना सुचि जुयाः
 निराहारं श्री करुणामयया भजन याना अहोरात्र पूर्ण ज्वीकाः
 क्षीर पालन याय्गु, कों चिकं साय्गु व समां याय्गु, तिसा
 वसः तीगु, खाताय् द्यनेगु आदि छुं हे मयासे केवल करुणामय-
 याके मन तथाः तुय्गु वसतं पुना व्रत याय्मा धका धाल ।
 थुगु खँ न्यना महारानीया तसकं मनय् सुख मदय्का तँ चाया
 दूतयात थुजोगु व्रत च्वनेगु थःके इच्छा मदुगु खँ कना हक्का
 छ्वत । इच्छाकुश महाराजं हानं मेह्य दूत छ्वतं नं वयात नं
 अथेहे याना हक्का छ्वत । लिपा इक्षाकुश महाराजया विवाह
 यानातःम्ह रानी मदय्कं गथे व्रत पालन याय् धका मनय्
 सुख मदय्का थःम्हं हे रानीयात सःतः वना रानी ब्वनाह्याः
 अष्टमी व्रत पालन याना बिज्यात । अलिदा महारानीया
 मंमदु मंमदु तं तं चाया नय्पित्या खाः वय्का करंवरं अष्टमी
 व्रत पालन यात । थ्वयां लिपा रानीया गर्भधारण जुया
 भिला पूर्ण जुमेलि राजकुमार छम्ह जन्म जुल । थुम्ह राज-
 कुमार तसकं हे बाँमलाम्ह महाविरूपह्य जुया स्वय् हे
 ग्यानापुसे च्वंम्ह जुयाच्वन । खाः हाकुस्य च्वया चिमिसं
 तःतःपु जुया, म्य तःपु जुया खा राक्षसया थें जागु खाःम्ह
 पुत्र उत्पन्न जूगु खना रानीया मनय् तसकं विरक्त जुया सह
 याय् मफया मुर्छा जुयावन । रानीया सखिपिसं नाना प्रकारं

धैर्यं बियातल । मेपिति राजकुमार जन्म जुल घका हर्षं
ताय्काचवन । रानीया जक खाः ख्युंका विरह यांना
करुणामय लुमंका थम्हं अष्टमी व्रत दनाबले खाः ख्युंका
चवंगुलि थुजोम्ह बालक जन्म जुल आः सुनां रक्षा याइ घका
नाना प्रकारं शोक यांनाचवन ।

इक्षाकुश महाराजया नं थःम्ह पुत्र जन्म जुल घका
धागु न्यना लय्लय् ताया पुत्र स्वःवंबले बालक खनेवं आश्चर्यं
चाया मनय् भय ताय्का हथासं लिहाँ वना मनय् तसकं हे
सुख मदयका चवन ।

रानीया थः पुत्रया नामाकरण याय्त जुजुयात सःतके
छवबले जुजुया तसकं तं पिकया दूतयात धाल- उपोषथ व्रत
पालन याःबले करुणामययात निन्दा याःगु पापं जन्म जूम्ह
रूप मदुह्य बालक जूगुलि व बालकया नां विरूपका घका
आज्ञा दय्कूगु न्यना उह्य दूतं लिहाँ वया रानीयात उक्तं
हे खबर कं वन । थव खँ न्यना रानीया मनय् तसकं सुख
मदय्का करुणामयया नां कया थः पुत्र स्वरूपह्य ज्वीमाल
घका प्रार्थना यांनाचवन ।

जुजुया हानं छको स्वरूपपि पुत्र प्राप्त ज्वीकेगु इच्छा
यांना मेपि न्यासः रानीपिन्त नं उपोसथ व्रत पालन याकल ।
संयोगवश करुणामयया दयां रानीपि सकस्यां गर्भधारण जूया
झिला पूर्ण जुस्यंलि सुन्दर राजकुमारपि जन्म जुल । थुबले
जुजुया तसकं हर्षं ताय्का दान पुण्य यांना नाना प्रकारं

मंगल जात्रा याना थः पुत्रपिन्त थुकथं नामाकरण यात ।

इन्द्र कुश, ब्रह्म कुश, देव कुश, नाग कुश, ऋषि कुश, द्रम कुश, रत्न कुश, माह कुश, कौच कुश, मयुर कुश इत्यादि घका नां छुना प्रत्येक राजकुमारयात च्याह्म च्याह्म दुरुमां पि तयाबिल । थुपिं राकुमारपि शुक्ल पक्षया चन्द्रमा बढे जूथें बढे जुयावल ।

थुखे अलिदा महारानीया मनय् तसकं दुःख ताय्का थः पुत्रयात नं थम्हं हे विरकुश घका नामाकरण याना ह्तापायाथें हे उपोषथ व्रत पालन याना करुणामयया भक्ति यानाच्वन ।

इक्षाकुश महाराजं विरकुश बाहेक मेपि थः मचात ह्मितकेया लागि हस्तीरथ, अश्वरथ, देवरथ, मनुष्यरथ आदि नाना प्रकारया रथ दय्का ह्मितकातल । विरकुशं थुगु समाचार सीवं हे थः किजापि ह्मिता च्वंथाय् वना किजापिन्त कुतका थः रथय् च्वना साय्कल । किजापि विरकुश खना तें पिकया भूत कुश, प्रेत कुश घका ब्वः बिया लिहाँ वन ।

कल्लय् खुन्हु नं किजापि ह्मितःवल घाःगु समाचार न्यनेवं ह्तापाथें हे किजापिन्त रथं कुतका थः रथय् च्वंवन । किजापिसं विरकुशयात छुं याय् मफु ब्वः जक बिया ग्याना बिस्युंवन । थुगु प्रकारं ह्त्तियाह्त्तिथं विरकुशं त्याकाच्वन । न्यादें खुदैया वैश जुया वस्यंलि राजकुमारपि सकलें गुह्याथाय् लःह्त्ताना आखः स्यने छ्वत । थुबले राजकुमारपिन्त नाना प्रकारया लिपि विद्या स्यनाच्वन । थ्व समाचार विरकुशं

सियाः आखः ब्वंकीथाय् वना किजापिनि च्वयाच्वंगु गोदः
काचाक्क लाका कया आखः च्वल । हानं लिपि शास्त्र आदि
सकतां विरकुशं त्याका कया सकल राजकुमारपिसं मानय्
याका च्वन । थ्व समाचार इक्षाकुश महाराजं सिया नाना
प्रकारया रत्न आदि परीक्षा याका स्वतं चतुषस्ति विद्यां नं
पारंगत जुया किजापिं सकलसितं त्याकूगु खना जुजुया मनय्
तसकं विष्मय चायाः थ्वथें जाःह्य विरूपहा राजकुल्य् जुजु
याय् माल धाःसा लोकं गिजे याइगु जुल । गुण, पराक्रम
स्वयंबले वयात हे जुजु याय् माली थें च्वंगुलि परीक्षा नि
याना स्वयमाली धकाः भाःपाः छन्हु चाकु मधि द्वंचिना
राजकुमारपिं सकल्यें सःतके छ्वया धाल, “भो राजकुमारपिं
आम चाकु मधि ह्यति छगो छगो कयाः न ।” धका धाःगु
न्यना विरकुशं वना खतनं तगोगु चाकु मधि काचाक्क कयाः
वया थासय्तुं च्वना नल । जुजुया तसकं आश्चर्य चाया स्वया
च्वन । अले हानं धाल, “मचात मधि फ्यतुना न ।” धका
धाःगु न्यना राजकुमारपिं सकस्यां फ्यतुना मधि नल । किजा-
पिसं नःगु खना विरकुशं मुसुहुं ह्लिलाः जुजुया सन्मुख च्वना
जुजुया खाः स्वस्वं माकःनं नःथें नयाच्वन । थथे निर्भयपूर्वक
नयाच्वंगु खना जुजुया मनय् तसकं सन्देह जुयाः “हे दैव !
अवश्य नं थ्व हे जुजु ज्वीगु ज्वी ।” धका स्वस्वं थुलिमछि
मचात जियाय् छह्य हे वय् मछ्याः थ्व विरुपं जियाय् च्वना
निर्भयपूर्वक सिंहं थें च्वना नल धका भाःपाः हानं छकः भोजन

याकाः स्वयं धकाः क्षीर पिण्ड पात्रय् तयाः ह्यापायार्थे राज-
 कुमारपि सः तके छ्वया धाल, “भो राजकुमारपि आम पिण्ड
 पात्रस च्वंगु क्षीर कयाः नं धकाः धाय्वं हे विरकुश यानंनिसें
 वयाः पिण्ड पात्र छगोलं काचाक्क कयाः थुजोगु पिण्ड पात्रय्
 भिक्षुपिसं जक भोजन याय् योग्य धकाः भापाः पिण्ड पात्रं
 क्षीर भोजन थकयाः लोहं फातय् तयाः नःगु खनां जुजुया
 मनय् तसकं आश्चर्य चायाः गुरु पुरोहितयाके न्यन, “भो गुरु
 श्व विरूपया ज्ञान गथे खः ?” धकाः आज्ञा जूगु न्यना पुरोहितं
 धाल, “भो महाराज ! पिण्ड पात्र धयागु भिक्षुगण पिनि
 लागि जक योग्य जुल उकिं लोहं फाँटय् प्वंका नःगु खः ।”
 थथे पुरोहितपिसं धाःगु न्यना जुजुया मनय् तसकं पीर जुयाः
 न्यन, “भो गुरु आः गथे याय्माल व श्व न्यासःपि राजकुमार
 मध्ये गुहा जुजु ज्वी ।” धकाः न्यंबले पुरोहितं विन्ति यात,
 “भो महाराज ! नीति शास्त्रया परिमाणं ज्वी । छलपोलं
 गथे मसिल ।” धकाः धाःबले जुजुया तसकं फसाद जुयाः आः
 गथे याय्, विरूपयात निश्चय नं जुजु याय् मखु धकाः भाःपाः
 भिक्षुगो सुवर्णया घः दय्काः नवरत्न थनां थाय् थासय् गुप्त
 रूपं थुना तयाः सिजःया पाताय् च्वयातल “गुह्यस्यां श्व घः
 लुइका काई उह्य जुजु ज्वी” धकाः प्रतिज्ञा यानातल । थुगु
 समाचार न्यना रानीपि फुकसियां थः थः राजकुमारपिन्त
 विवाह याना बिल । विरूप छह्येसिया सुनानं विचाः याःपि
 महु । कन्या ब्यूपि नं महु । श्व कारणं याना अलिदा

महाराणीया मनय् तसकं विस्मात ज्वीकाः श्री करुणामयया
नां कयाः भसुकाः तयाच्चन ।

थनंलि इक्षाकुश महाराज वृद्धावस्था जुयावस्यंलि
संजोगं छन्हुया दिनय् मृत्यु जुयाः स्वर्गवास जुल ।

जुजुया क्रियाकर्म सिधस्येंलि मन्त्री पुरोहितया सल्लाह
अनसार काजी भारदारपि चवना सल्लाह याना फुक्कं
राजकुमारपिन्त सःतके छवयाः गुह्यास्यां सिजःया पाताय्
चवयातःगु श्लोक अर्थ छ्याना ब्वना भिखुगो घः ल्वीका बी,
वयात जुजु याय्गु घकाः घाल । थ्व खँ न्यना इन्द्रकुश सहित
सकल राजकुमारपिसं छुं उत्तर बी मफुत । थुबले विरकुश
राजकुमार न्ह्योने वना घाल, “भो मन्त्री थथे जूसा फुसा जि
नं ल्वीका बी ।” घकाः घयाः तामापत्रय् चवंगु श्लोक ब्वन ।
ताम्रपत्रय् चवंगु श्लोक ब्वना भिखुगः घः लुइका पित
हयाबिल ।

थ्व खना गुरु पुरोहित व सकल मन्त्री काजी भारदारपि
सकले आश्चर्य चाया संकुच्चन ।

लिपा हानं सुनां ह्लापा सिंहासन सजय् याय्फत व जुजु
ज्वीगु जुल घकाः प्रतिज्ञा यात । थुबले नं राजकुमारपि रस
तायाः नाना अलङ्कारं तियाः फयां फछि जुजु ज्वी घकाः
भापाः उखुन्हुया दिनय् देव देवतापिके पवनाच्चन । विरकुश
कुमारं थ्व समाचार सियाः हथासं वना श्री करुणामययात
नमस्कार याना सिंहासन सजय् याना विज्यात । विरूप

राजकुमारं सिंहासनं सजय् याना च्वंगु खना मेपि राजकुमारपि
 सुनानं छुं धाय् मफयाः आताहां च्वनाच्वन । थुबले विरकुशं
 मुमुहुं ह्लिलाः धाल, “भो राजकुमारपि आः छःपि छःपिनि
 संकल्पं मन्त्रि जुल, जि जुजु जुल ।” मेपि राजकुमारपिसं नं
 छुं धाय् मछाला छ्यों को को छुनाच्वन । अनंलि मन्त्रि सकलें
 प्रजागणपि मुंकां पुरोहित विधि विधान स्वयाः राज्याभिषेक
 ब्रियाः मावव क्रिया कर्म याना दक्कोस्यां जुजुया दर्शन यात ।
 थनंलि विरकुश महाराजं न्याय नीति विचार याना प्रजा
 प्रतिपाल याना आनन्दं च्वन । प्रजापि नं जुजु खना हर्ष
 ताय्का धन्य धन्य विरकुश महाराज धकाः गुण वर्णन याना
 जुजुयात स्वः वयाच्वन ।

अलिदा महारानीया मनय् सन्तोष ताय्काः पुरोहित
 सःतके छ्वयाः विरकुशयात विवाह याना बीत भिगु दिन
 स्वयाः दूतपिन्त कन्या माय्क्य छ्वत ।

कन्या माःजुजुं भिखुह्वा जुजुया लुखाय् वननं सुनानं
 कन्या ब्यूगु मदया दूतपि निराश जुयाः लिहांवल । थ्व खं
 न्यना रानीया मनय् तसकं पीर जुयाः श्री कृष्णामयया स्मरण
 याना हानं मेपि दूतपिन्त कन्या माय्क्य छ्वत । दूतपिन्त
 समुद्रक धयाह्वा जुजुया म्हाय् धाय्क्य छ्वत ।

समुद्रक जुजुं मती तल—रूप गुण मदुसां चक्रवर्ती जुजु
 जूगुलि थुजोह्वा जुजुनाप सम्बन्ध जुल धाय्वं तसकं भि ज्वीगु
 भाःपाः कन्या बीगु अनुमति बिल । अले अलिदा महारानीया

मनय् तसकं हर्षं तायाः पुरोहित, काजी भारदार सहित यानां
अनेक सल, किसि, अनेक बाजं सहित नाना आभरण बियाः
प्रस्थान याना छवत । समुद्रक जुजुं नं थुगु समाचार सियाः
अति हर्षं याना राजदरवारे वना माक्व विधि याना भिगु दि
स्वयाः विरकुशया नां कयाः सुदर्शना रानीं कन्यादान बियाः
विरकुश जुजुया देवी जुल घकाः वाक्य तय्घुका माक्व विधि
याना नाना प्रकारया बाजा थाकाः महामंगल जात्रा याना
सिन्दूर ह्वलाः थःगु देशय् वने त्यंबले समुद्रक जुजुं नं थः
मह्याय्यात अनेक प्रकारया सल, किसि, दास, दासी आदि
बियाः बिदा बिया लिहांवन ।

थनंलि लॅय् ववं काशी देशया लिक्क थ्यंबले राजपुरोहितं
राजकूलय् वना अलिदा महारानीयाके विन्ति यात, “भो
महारानी छलपोलया प्रतापं सुदर्शना कन्या पवनाछवय् घुन ।
अष्टमी व्रतया आनुभावं थ्व पृथ्वी मण्डलय् थुह्य मैया बरोबर
बांलाःह्य मेह्य मुं दईमखु साक्षात् लक्ष्मी समानह्य कन्या
लात । आः छलपोलया मनोरथ पूर्ण जुल घकाः विन्तीया खँ
कन । अलिदा महारानीं सुदर्शनयात खना तसकं लय्ताया
थी थी कुशल खँ ह्वाना लिहाँ वयाः थः पुत्रयात समाचार
कन । थुबले विरकुश जुजुया मनय् तसकं हर्षं तायाः थःत
भाग्यवान् ताय्का च्वन । थनंलि अलिद्रा महारानी पुरोहित-
याथाय् वना थुजोह्य बांलाःह्य मैयायात विरकुश क्यने
जीमखु । न्ह्याथे याना नं जतन याय्माल घकाः सल्लाह

याः बले पुरोहितं अलिदा महारानीयात धैर्यं बियाः “महारानी
छुं धन्दा कया बिज्याय्म्वाः मागु जुक्ति जि याय् ।” धकाः
भलसा बिया माक्व प्रबन्ध मिलेयाना लगन स्वयाः नाना
प्रकारया मङ्गल याना उक्कानया दथुई अष्टमङ्गल पूर्णघट
स्थापना याना यज्ञया सामग्री सकतां मिलेयाना कन्या दान
बिल ।

थुबले विरकुश जुजुया मनय् तसकं हर्ष माने याना गुरु
पुरोहितयात दक्षिणा बिया काजी भारदारपिन्त यथायोग्य
परिमाणं प्रसाद बिल । थनंलि माक्व कर्म याय् सिधय्का
नाना मङ्गल याना राजद्वार थ्यंका अन्तपुरय् वन । अन्तपुरय्
बुद्ध धर्म संगया मूर्ति चवयाः अष्टमी त्रतया आनुभावं जन्म
जूहा मांघाता जुजुया बाखँ चवयातःगु, नाना प्रकारया रत्न
थुना तःगु सुवर्णया इलां पेनातःगु धर्म धातुया मण्डल दय्काः
भगोलया परिमाणं सकतां तयाः सुवर्णया खाताय् नाना
प्रकारया लासा लायातःगु खाताय् पयतुना अलिदा महारानीं
भौमचायात स्वयाः घाल, “भो भमचा मय्जु, आः छं मनय्
छुं शंका याय्मते थुगु कोथाय् गुबलें हे मत च्याके मज्यू ।”
धकाः माःगु खँ ह्लाना थः पिहाँ वया विरकुश जुजुयात कोथाय्
थ्यने छवत ।

थनंलि सुथय् जुय्वं भमचायात थःगु कोथाय् सःतके
छवया सखीजनपि नाप दिन वं मचायक ह्यितका तल ।
वाःछि लच्छि दयावसेलि नं थः स्वामीया दर्शन मदुगु व

मेमेगु कोथाय् मत च्याके ज्यू थःगु कोथाय् जक मत च्याके मज्यूगु खँ लुमंकाः थुकीया हेतु सीकेत तसकं उत्सुक ज्वीका च्वन । चक्रवर्ती जुजुया रानी जुया नं अन्धकारय् च्वनेमाःगुलि थःगु मनय् आकुल ब्याकुल ज्वीका भसुका तयाः समाः याय्-माःगु नं मयासे सुम्क च्वनाच्वन ।

अलिदा महारानीं थुकीका कारण सीकाः थः भौमचा-यात बाँलाक न्वाना मन तय् सय्के बिया समाः याके बिल ।

छन्हु चाल्हाय् सुदर्शना रानीं विरकुश जुजुयात थः च्वनेगु कोथाय् मत छप्वाःसां च्याकाः थी थी ख्वाः स्वया खँ ह्लाय्गु मनसुवा व्यक्त यात । थ्व खँ न्यना विरकुश महाराजया छु याय् छु याय् जुया न्वमवासँ ख्वाः तोपुया च्वन । कन्हे खुन्हु नं सुदर्शनां व हे खँ दोहरे याःबले विरकुश महाराजं थः मांया हुकुम उल्लङ्घन याय् मछ्वाःगु व मांयाके न्यना जक थःगु कोथाय् मत च्याकाः थी थी ख्वाः स्वयाः खँ ह्लाय् फंगु खँ व्यक्त यात । थ्व खँ न्यना सुदर्शनाया मनय् तसकं संदेह ज्वीकाः न्वमवासँ छन । कल्लय् खुन्हु विरकुश महाराजं थः मां याथाय् वना थःत सुदर्शनां पिरय् यानाच्वंगु खँ कना थुकी जतन याय्माःगु बारे व्यक्त यात । अलिदा महारानीं सुदर्शनायात चक्रवर्ती महारानी जुया नं न्ह्यो मवय्कुसे मनय् सुख मदय्का च्वंगुया बारे न्यना स्वःबले सुदर्शना महारानीं थः च्वनेगु कोथाय् मत च्याके मखंगु व थः स्वामीया दर्शन याय् मदुगुलि तसकं मनय् दुःख जूगु खँ व्यक्त यात । अले

अलिदा महारानीं व राज्यया चलन अथेहे जूगु व थःगु पालय्
नं अथेहे कोथाय् मत मच्याकुसे च्वनेमाःगु व मचा छद्दा
दय्घुंकाः जक थःगु कोथाय् मत च्याके दुगु व थः स्वामीया
दर्शन याय् दुगु खँ व्यक्त यात । थःगु कूले थथे नियम दय्का
तःगुया कारण काम रागय् भुलेजुल धाय्वं राज्य नष्ट जुया-
वनीगु भयं याना खः घका मखुगु खँ ह्लाना थः भौमचायात
अलिदा महारानीं धैर्य बियाच्चन ।

श्व खँ न्यना सुदर्शना महारानीया मनय् तसकं सुख
मदया थः सखीपिथाय् वना थःगु समस्या प्वंकः वन । थुकथं
सुदर्शना महारानीया थःगु इच्छा पूरा मज्गुलि ह्लिया ह्लियं
गंसि जुयावन ।

अलिदा रानीं सुदर्शनाया थुकथं हे मनय् अशान्ति
ज्वोका च्वन धाय्व श्व हे पीरं प्राण तक नं तोतीगु भय खना
ग्याना सुदर्शनायात मनय् धैर्य यानाच्चं, प्यन्हुया भित्रय्
इच्छा पूरा याना बीगु वचन बिल ।

माजुया वचन न्यना सुदर्शनाया मनय् आशा दयाः
प्यास चाःहास्यां समुद्र स्वय्थें रोगीं वैद्य स्वय्थें तसकं आशा
जुयाः फुर्थें धैर्य यानाच्चन ।

सुथय् जुइवं मन्त्री, काजी, भारदारपि मुंका सुदर्शना-
यात गुकथं मन च्वनीगु खः उकथं विरकुश महाराजया दर्शन
याकेगुलि सल्लाह साहुति याकल । सल्लाह साहुति निर्णय
जूकथं इन्द्रकुशयात जरि भरेयानातःगु वसतं पुंकाः सिंहासनया

न्होने तयाः विरकुश महाराजयात ल्यूने तयाः छत्र ज्वंकाः
न्यासः कुमारपि व मन्त्री, काजी, भारदार सहित तयार जुया
दर्शनशालाय् चवना सुदर्शनायात दर्शन बिल ।

सुदर्शनां थः स्वामी जुयाचव्ह इन्द्रकुश हे ज्वी घयागु
भाःपाः लय्तायाः अलिदा महारानीयाथाय् वना थुगु राजसभा
खना थः तसकं लय्ताया थःगु मनोरथ पूर्ण जूगु खँ कन ।
परन्तु छत्र ज्वंहा विरकुश (थः स्वामी घकाः मस्पूगुलि)
अति हे मययापुसे चवना अयोग्यह्य हे मनू जूगुलि व मनुखं
याना सभाया शोभा हे मदुगु खँ विन्ति यात । थ्व खँ न्यना
अलिदा महारानीं उह्य मनू बाँमलाःसां फुक्कं मन्त्रीपिसं
हनातःह्य महावीर पराक्रमी सकल लोक पालन यानाचव्ह
जूगुलि विरूप जूसां उलिहे स्वरूपह्य व मू दुह्य खः । उकिं
वयात निन्दा याय् अयोग्य घयागु खँ कन । थ्व खँ न्यना
सुदर्शना सुम्क चवन ।

हानं रात्रीकालय् थः स्वामी विरकुशयात सुदर्शनां
ह्लिनय् सभाय् छत्र ज्वंहा छह्य तसकं हे ग्यानापुसे चव्ह
विरूपह्य जूगुलि अपायचवः बाँलाःगु सभाया सौन्दर्य हे मदुगु
खँ कना उह्य मनूयात ज्या छगु बिया गनं मेथाय गामय
तयक्य छःसा ज्यू घयागु सल्लाह बिल ।

थ्व खँ न्यना विरकुश महाराज मुमुहुँ ह्लिलाः उह्य
विरूपह्य मनूयात निन्दा याये अयोग्य, वयागु हे दया थुगु
राज्य सुख भोग यानाचवने दुगु खः । उकिं थःह्य गथे वयात

माने याना वयाच्चन, अथेहे सुदर्शना रानीं नं वयात माने
याथ्माः धकाः सल्लाह बिल । विरकुश महाराजाया खँ न्यना
सुदर्शना सुम्क चन ।

छन्हु विरकुश महाराज तुरंगवल सहित सिपाहिगणपि
मुंका शिकार बिज्यात । उगु बखते अकस्मात किसिगः मि
नयाः मन्त्री, काजी, भारदारपि मुना अनेक प्रकारं यत्न यात
नं मि स्याय् मफया अलिदा महारानी व सुदर्शनापि सहित
ग्याना विलाप याना थव खबर विरकुश महाराजायाथाय्
थ्यंके साथं वसपोल याकनं मि नःथाय् विज्याना ह्ला ज्वजलपाः
आकाशय् थस्वया श्री आर्य अवलोकितेश्वरया नां कयाः
देवराजया गुहाली पवना सिखलं चिनातःपि किसि फुक्कसितं
सिखः त्वाःह्लाना पित छ्वयाबिल । अले देवराजया आनुभावं
अकस्मात तसकं वा वयाः मि फुक्कं सितावन । थुकथं
विरकुशया प्रतापं छुं क्षणं हे मि सिनां फुक्क किसितय् रक्षा
यानाव्यूगु खनां प्रजागणपि फुक्कसियां विरकुश महाराजयात
घन्य घन्य धकाः गुणगान यानां वसपोलया चिरंजीवीया
आशिका यानाच्चन । थुकथं सुदर्शनां थःह्वा स्वामी अथे
विरूपह्वा खनी घयागु थुयावल । थःत विरूपह्वा स्वामी
मक्यनेया लागि कोथाय् मत मच्याकुसे तयातःगु व स्वामीया
दर्शन याके मव्यूगु खँ फुक्कं थ्वीकाः अन मच्चवंसे गुप्तगु मार्गं
थःछें बिस्यूवन ।

थुखे विरकुश महाराजं सुथय् दनां स्वःबले सुदर्शना

मद्रुगु खना हथामं माःजुयाः अलिदा महारानीयाथाय् वनां थ्व खबर विन्ति यात । अलिदा महारानीया थ्व खबर न्यनां तसकं विरह ज्वीका च्वन ।

विरकुश महाराजया मनय् तसकं विरह ज्वीकाः सुदर्शनाया प्राण रक्षा ज्वीमा, अष्टमी व्रतया आनुभावं सुदर्शनायात मालाः ल्वीका हय् मफुसा तपोवन वनां जीविका याय्गु प्रतिज्ञा यात । थः मां अलिदा महारानीयात धैर्य बिया पुरोहित प्रभृति, मन्त्री, काजी, भारदारपि सकलें मुंकाः थः सुदर्शना माःवनेगु खँ कनां, कुसुद्रम राजकुमारयात सिंहासनय् तया माव्व बन्दोबस्त मिले यानां, मांह्येसिया श्री चरणय् भोपुयाः विणा छगः जक ज्वनां जोगीया भेष कयाः श्री करुणा-मयया नां कया देशान्तर वने घका पिहाँ बिज्यात ।

थुकथं थासं थासय् बास याना विणा थानां म्ये हालाः लोकया चित्त बोध यायां भिक्षा पवनां सुदर्शना माःजुजुं छन्हु समुद्रक जुजुया उभानय् थ्यंकः वन । उबले उगु उभानया मालिनीनं विणाया शब्द न्यनां विरकुश महाराजयात ब्वना यंकाः म्ये हाय्का तल । विरकुश महाराजं थ्व उद्यान समुद्रक राजाया उद्यान घका सीकाः मालिनी सःताः स्वां थ्वके बिया तसकं बाँलाक स्वां हनां उगु स्वांमाय् थःगु नां तया छ्वत । स्वां हंगु तसकं बाँलागुलि मालिनी तसकं लय्ताया थ्व स्वां जुजुयाथाय् चढे याय् यंकल । जुजुं नं स्वां माःहनातःगु तसकं बाँलाःगु खनां खुसी जुया उगु स्वांयात सुदर्शनायाथाय् बीके

छवत । ह्लापांला सुदर्शनाया नं स्वां माः खंबलेला तसकं
लय्ताल । लिपा स्वांमाःया नापं विरकुश महाराजया नां
खंबले तंचाया स्वां कुचा कुचा याना हाकुतिना वां छवया-
बिल । श्व खं मालिनी नं विरकुश महाराजयात वया कंवल ।

विरकुश महाराजं थःगु अपमान जूगु सियाः अपमान
जूसां थःगु ज्या सिद्ध मजूतले सहयाय् फुह्य ज्ञानी धाई
सहयाय् मफुह्य मूर्ख धाई धकाः समाचार न्यने धुंका थःगु मन
धैर्यं याना मालिनीयाके बिदा कयाः उद्यानं पिहाँ वया विणा
थाना म्ये हालावंगु खना कुम्भकार छह्यस्यां आदर वचन तया
थःगु थासय् ब्वनायंका म्ये हाय्का तल । थुकथं कथहनं थःगु
चिह्न तया तसकं बांलाःगु कुम्भ छगो दय्काबिल । कुम्भकारं
थुगु कुम्भ खना लय्तायाः जुजुयाथाय् छाय्त् यंकल । जुजुनं
थुगु कुम्भ खना तसकं लय्तायाः सुदर्शनायाथाय् थुगु कुम्भ
बीके छवत । सुदर्शनां विरूप फकीरया चि खने साथं हाकुतिना
वां छवयाबिल । श्व खं कुम्भकारकं विरकुश महाराज (विरूप
फकीर) यात कंवल ।

अन विरूप फकीर पिहाँ वया टक्षकारयाथाय् च्वंवन ।
थुगुहे प्रकारं टक्षकारयाथाय् रथ छगू छाँटवंक दय्काः उगु
रथे थः च्वनां थःगु मुले सुदर्शना पयतुनाच्वंगु दृष्य तयाः
दय्कल । श्व रथ तसकं बांलाःगुलि उगु रथ टक्षकारकं
जुजुयाथाय् छाय् यंकल । श्व नं ह्लापा ह्लापायागु वस्तु थें
सुदर्शनायाथाय् थ्यंबले सुदर्शनां ह्लापाथें अपमान यानाछवत ।

थुगुहे प्रकारं टक्षकारयाथासं धोबीयाथाय् वना जुजु व महारानीया वसः हियाबिल । जुजु व महारानीं थ्व विरूप फकीरं वसः हियाव्यूगु तसकं बाँलागु बयान याःगु न्यना सुदर्शना अन न तँ म्वेका दनावन ।

थनं छह्म ताम्राकारयाथाय् वना कोथा ज्वलं दय्कःवन, थुगु ज्वलं ताम्राकारं जुजुयाथाय् लःह्लानाबिल । थुकथं बाँलाक दय्कय सःगुलि ताम्राकारं विरूप फकीरयात थःथाय् च्वनेगु आग्रह यातनं अनं पिहाँवना सुवर्ण कालया छें दुहाँ-वन । अनं वं सप्तभूषण आभरण दय्काबिल । गुगु आभरण खना सुवर्णकाल तसकं लय्ताया जुजुयाथाय् छायाय्कल । थ्व आभरण तसकं बाँलाःगुलि जुजुं सुदर्शनायाथाय् बीके छ्वःबले सुदर्शना न तसकं लय्ताया उगु माः क्वखाःबले विरूप फकीरया चिं खना काचाक्क त्वयाखतनं वांछ्वत । थ्व दृष्य खना सुवर्णकाल तसकं अजू चाया लिहाँवया थ्व खँ विरूप फकीरयात कन ।

अननं विरूप फकीर पिहाँवनां मणि कालयाथाय् वनां नाना प्रकारया मणि माणिक थुनातःगु जन्त्र दय्काः उकि किसिगः मीनःगु, क्वथाय् मत च्याके मदुगु आदि दृष्यत तया-बिल । थ्व जन्त्र नं जुजुयाथासं सुदर्शनायाथाय् थ्यंबले सुदर्शनां फुक्कं दृष्यत थ्वीकाः जन्त्र त्वयाखतनं चूर्ण ज्वीक स्यंका बिल । थ्व खँ मणिकालं विरूप फकीरयात कंबले विरूप फकीर ह्लिलाः अनं पिहाँवना जन्त्रकारयाथाय् वन ।

जन्त्रकारयाथाय् विरूप फकीरं थःगु करामतं पंक्षीगणपि
 ब्वय्काछ्वत, उपि पंक्षीत समुद्रक जुजुया राजसभाय् जूवना
 थःथःगु सः पिकयाः म्ये हालाः प्याखँ हुलाः घाल, “हे
 सुदर्शना ! गुमानि तोति, गुमान घयागु सदां मच्चं ।” घका
 घाःगु न्यना जुजु आश्चर्य चायाः थुपि पंक्षीत गनं वःपि घका
 न्यनास्वःगु बखते जन्त्रकारं विरूप फकीरया करामत खः
 घयागु बारे खँ कन । जुजुं विरूप फकीरयात ब्वनाह्य्गु खँ
 ह्लाःबले सुदर्शना तं चाल ।

थुखे विरूप फकीरयात राजदरबारे जूगु फुक्कं घटना
 जन्त्रकारं कने धुंकाः विरूप फकीर जन्त्रकारयाथासं दना वनां
 मधिकःमियाथाय् वन । मधिकःमियाथाय् तसकं साःसाःगु
 मधिया परिकार दय्काबिल । थुगु मधि मधिकःमि न्हाबलें
 थे जुगुयाथाय् यंकूबले जुजुं मधि नयाः तसकं साःगुलि
 प्रभावित जुयाः मधि छूहा विरूप फकीर थःगु दरबारे सःता
 ह्य्गु आज्ञा जुल । मधिकःमि समाचार विरूप फकीरयाथाय्
 थ्यंकाः दरबारे वनेत अनुरोध यात । विरूप फकीर दरबारे
 वंबले जुजुं वयाके छु कारणं अथे जोगी ज्वीमागु आदि बारे
 फुक्कं खँ न्यन ।

अले विरकुश फकीरं थः काशी देशया मृगदावनय् बास
 यानाच्चंह्य विरूप नांह्य ब्राह्मण खः । सुदर्शनार्थे जोह्य कन्या
 विवाह यानातःगु दुसां उह्य कन्यानाप विछोड जुयाच्चंगुलि
 जोगी जुयागु घकाः खँ कन ।

जुजुं विरूप फकीरयात मेह्य हे ब्राह्मणी छह्य विवाह
याय्गु सुभाव बियाः धन दौलत यक्व बियाः लहिना तल ।
हानं उह्य जोगीया लागि राजदरबारया गननं लें बन्द याय्
मदु धयागु हुकुम बिल ।

छन्हु विरूप फकीरं मृदङ्ग थानां बांसुरी पुयाः विरह
म्ये हालाः विणा थानां व रानी प्रभृति सकलें सखिजनपि
मोह यानां वेला वखत स्वयाः क्रिडा विद्या, सहन विद्या,
युद्ध विद्या, गुप्त विद्या, गोचर विद्या आदिया गुण क्यना
चवन । थुकथं छन्हु विरूप फकीरनाप सुदर्शनाया सखीपि
लुकुकासा ह्यिताच्वंगु खनां सुदर्शना तसकं तँचायाः पासापिन्त
व्वः ब्यूवन । सुदर्शना तँ चाःगु सिया विरूप फकीर वनां
सुदर्शनानाप थःगु दुःखया खँ कनां थःगु दरबारय् लिहाँ वनेत
अनुरोध याःवन । तर सुदर्शनां विरूप फकीरया खँ न्यनेगु
पलेसा तँ चायाः हक्का हल । अले विरूप फकीर नं तँ चायाः
मानय् यानां वनेमखु धयागु खःसा खिपतं चिनासां लुया यंकेगु
धम्की बिल । विरूप फकीरं थुकथं धम्की ब्यूगु खना सुदर्शनां
नं आत्महत्या याना सिनावनेगु धम्की बिल ।

थुकथं सुदर्शनायात खँ न्यकेमफुगुलिं विरूप फकीर
हारेचायाः थः मामं अष्टमी व्रत पाले याःला मयाःला खबर
मसिया आकुल व्याकुल जुयाच्वंबले हे थःगु देशं भेषधारी
दूत छह्य वयाः अष्टमी व्रतया प्रसाद बीहयाः थःगु देशया
समाचार कंबल । अले विरकुश महाराज तसकं लय्तायाः

दूतयात माःगु खँ कना लित छवत ।

छन्हु दुर्मति जुजुं सुदर्शनाया विरहनं विरकुश महाराज
जोगी जुयावन घयागु सीकाः सुदर्शनायात विवाह याय्गु
लागि पौ छपौ बिया दूत छवयाहल । तर समुद्रक महाराजं
निको विवाह ज्वीमखुगु खँ ह्लानां उगु प्रस्तावयात अस्वीकार
याना छवत । अले उह्य दुर्मति जुजुं नं सुदर्शना मव्यूसा युद्ध
यानां हे हरण याय्गु मती तयाः मेगु सिमानाया खुह्य जुजुपि
गृहालि पवनां चतुरंग बलं संयुक्त यानां सल, किसि व यक्व
प्रकारया हतियारत ज्वनां समुद्रक जुजुया देश घेरय् यानां
समुद्रक जुजुयात सुदर्शना बीमखुसा युद्ध या, युद्ध नं याय्-
मफुसा दे तोताः हुँ घयागु खँ सहित पत्र छवल ।

थुगु पत्र वय्साथं समुद्रक जुजुं सुदर्शनायाथाय् वनां थ्व
पत्र ब्वनां न्यंकल । तर सुदर्शनां छुं उत्तर मब्यू ।

सुदर्शनायागु थथे जिद्दी स्वभाव खनां समुद्रक जुजुया
तँ पिकयाः ब्वःव्यूगुलि सुदर्शना वाथा इथि दनां मांहोसियाय्
वनां थः सिनावनेगु निश्चय जूगु व थः सीधुंका उकीया अस्थि
कया उद्यानय् थुनाः उकीया छीने कणिका घयागु स्वांमा
पिनाः थुगु स्वां परमेश्वरपिन्त छायाः सुगति लाकाब्यु घयागु
मनसाय व्यक्त यात । थथे म्हाय्हुसिगु दुःखँ जाःगु खँ
न्यनां व थः स्वामीयात आपद जूगु खँ लुमना रानीया तसकं
विलाप याना थःगु नुगले थःम्हं दायाः थःगु सं थःम्हं चफुना
बँय् गोतुला ख्वख्वं मूर्छा जुयावन । थ्व दृष्य खना सुदर्शनां

अय् याय् थय् याय् मसियाः आत्ते जुया काचाकाचां थः
 स्वामी विरकुश जुजुया तुती भोपुयाः थःम्हं यानातयागु
 गल्लीया लागि क्षमा पवनां थःगु कारणं थः बौयात जुयाच्वंगु
 आपदया बारे फुक्कं खँ कनां मद्दत पवंवन् । विरकुश महाराजं
 नं सुदर्शनायात क्षमा बियाः सुदर्शनायात थःम्हं धैथे चवनेगु
 सत्य वाचा ह्लाकाः तिनि उगु आपदय् गुहाली बीगु वचन
 बिल । थुकथं विरकुश महाराजनाप सुदर्शना खँ ह्लानाच्वंबले
 सुदर्शनाया मां स्वच्छा रानी थः म्हाय् गन वन धका मामां-
 वःबले थः म्हाय् व विरूप फकीर खँ ह्लानाच्वंगु खन ।
 थ्व दृष्य खना रानीया आश्चर्यं तायाः थुकीया कारण न्यना
 स्वःबले सुदर्शनां थः मांयात थः स्वामी ह्मसीका बिया थःम्हं
 अज्ञानी जुयाः थः स्वामीयात अपमान यानागु व थः स्वामी
 विरकुश महाराजं थःगु माया तोते मफयाः थःगु दरबारे
 थ्यंक वयाः दुःख सियाच्वंगु फुक्क कारण कना थः मां स्वच्छा
 रानीया सन्देह मदय्का बिल । थ्व खँ न्यना स्वच्छा रानीं
 हर्षं ताय्काः हथासं थः स्वामी समुद्रक महाराजयाथाय् वनां
 जूगु खँ फुक्कं कन । ह्लापां ला समुद्रक महाराज विरकुश
 महाराज थें ज्याःह्म चक्रवर्ती जुजु, इन्द्रया पासा थःगु
 राजभवने साधारण मनूया रूपय् च्वनाच्वन धयागु खँय्
 विश्वास याय् मफुत । लिपा स्वच्छा महाराणीं सन्देह मदय्क
 खँ कंबले जुजुया नं तसकं हर्षं ताय्काः थःम्हं मस्युसँ विरकुश
 महाराजयात थःगु दरबारे ज्या याका तयागु लुमंकाः हथासं

वना विरकुश महाराजयात सम्मान यानां व्वना हयाः थःगु
सिंहासने पयत्वीकाः क्षमा पवन । विरकुश महाराजं नं थःत
समुद्रक महाराज थें ज्याःह्वा ससःअबु दुगुलिं घन्य भाःपिल ।

अले समुद्रक महाराजं विरकुश महाराजयात सुगंध जलं
स्नान याकाः सफागु वस्त्रं पुंकाः पंच गव्य बियाः आगमय्
नित्य पूजा याकाः थः नापं तयाः भोजन याकल । थनलिं
विरकुश जुजुया भोजन याय् धुंकाः राज सभाय् बिज्यानां
नाना प्रकारं प्याखँ हुइकाः महाउत्सव यानां च्वंबले
अकस्मात् कोलाहल शब्द न्यनां विरकुशं समुद्रक महाराजयात
थुकीया कारण न्यना स्वःबले समुद्रक महाराजं तसकं लज्या
चायाः दुर्मति महाराजं छ्वयाहःगु पत्र विरकुश महाराजयात
लःल्लाना बिल ।

विरकुश महाराजं पत्र बाँलाक व्वने धुंकाः समुद्रक
महाराजयात धैर्यं बियाः छुं हे धन्दा कया बिज्याय्म्वाः
निर्भय जुया बिज्याहुँ, सिंह याथाय् ध्वं हाःवयाच्वंगु समान
जुयाच्वन । उह्य दुर्मति जुजुयात ज्वनाहयाः समुद्रक जुजुया
दास यानाबी घयागु वचन बियाः चतुरंगबल सैन्य सहित
तयार यानां नाना प्रकारया शस्त्र अस्त्र धनुष आदि प्रस्थान
यानां थःगु देशय् पी छ्वया संग्राम याय् तयार जुयाः भिगु
दिन स्वयाः समुद्रक जुजुयाके बिदा कयाः नाना प्रकारया
बाजं थाकाः किसि गयाः संग्रामय् बिज्यात । संग्रामय् दुर्मति
जुजुया सैन्यजन पिसं विरकुश महाराजयात नं खनेवं हे ग्यानां

थर थर खाकाच्चन । सुदर्शना रानीया विरहनं विरकुश
 महाराज जोगी जुयावन धयागु खबर न्यनां मग्यास्य संग्राम
 याःवःपि विरकुश महाराजयात खनेवं थरथर खानां ग्यानां
 थम्हं ज्वनाच्चंगु हतियार तोताः ह्यसःह्य जुजुपिसं ह्लाः
 विन्ति यानां विरकुश महाराजयाथाय् वनां थःथःगु म्कुट
 तोयाः थःपि शरण वयापि जूगुलिं मरण याना बिज्याय् मते
 धकाः क्षमा पव्वन । अले विरकुश महाराजं नं शरण वःपिन्ति
 मरण याय् मज्यू धकाः क्षमा बिया बिज्यात ।

समुद्रक जूजुं थुगु समाचार सियाः तसकं लय्तायाः
 बाजं थाकाः सिंदुर जात्रा यानां विरकुश जुजु प्रमुख सकल
 जुजुपिन्ति राज द्वारय् व्वनायंकल । दुर्मति जुजु सहित सकलें
 मेपि देशान्तरया जूजुपिसं नं समुद्रक जुजुया चरण भोपुयाः
 थःथःगु अपराध क्षमा याय्गु लागि क्षमा पव्वनाः सदांया
 लागि दास जुया च्वने दय्मा, समुद्रक जुजुया हुकुम मदय्क
 छुं याय्मखु आदि धकाः बिदा कयाः थःथगु छ्ये लिहाँवन ।

विरकुश महाराज नं थःगु राज्ये लिहां वनेत वचन
 पव्वबले समुद्रक महाराजं थः वृद्धावस्था थ्यने धुकूगुलिं तपोवने
 वनेगु इच्छा जूगुलिं विरकुश महाराजं हे राज्य सह्याले याय्त
 अनुरोध याःबले विरकुश महाराजं छको जकसां थः मांयाथाय्
 वने धाःगु वचन न्यनां समुद्रक महाराजं सुभ दिन व थीर
 लगन स्वयाः विरकुश महाराजयात राज्याभिषेक बियाः
 सकल भारदार प्रभृति प्रजागण पिन्ति थः तपोवन वनेत्यल

उके चक्रवर्ती जुजु विरकुश महाराजयात जुजु मानेया धकाः
हुकुम जुस्यंलि प्रजागणपि सकलें जानां थ्व खँयात सहर्ष
स्वीकार यात ।

थनंलि छुं दिन लिपा विरकुश महाराजं बिदा फवनाः
सुदर्शना ब्वनां थःगु राज्ये लिहाँ बिज्यात । छन्हु शुक्र पक्षया
अष्टमी खुन्हु महातवधनपुस्करनिया तीरय् थ्यंबले अनसं
वास यानाः भोजन सिधय्काः दनां पुस्करनी वनां खाः सिले
धकाः बिज्यानां च्वसं च्वनां दतिवन याना बिज्याःबले लखय्
थःगु किपाः थम्हं खनां मनय् तसकं संदेह ज्वीकाः थ्व
पुस्करनी सु वल धकाः क्वस्वःबले तसकं भयानक अघोर
मूर्ति खनां थःथम्हं तुं ग्यानां लिचिलाच्वन । हानं छको
स्वःबले तिनि थःगु हे किपाः धकाः सीकाः थःत थम्हं
घिवकार यानां थःगु कपाले थम्हं दायाः तसकं विलाप यानां
थ्व संसारय् म्वाना च्वनागुया छुं प्रयोजन मदुगु भापाः उगु
पुखुलीहे क्वब्वानां प्राण त्याग याय् धकाः तयार जुयाच्वन ।
थुबले श्री करुणामय नं देवराज इन्द्रयात लोहितमणिमुक्तीमाः
यंकाः विरकुश महाराजयात क्वखाय्का वा धयागु आज्ञा
जुल । उगु माः क्वखाय्वं विरकुश महाराज तसकं सुन्दरह्मा
युवक ज्वीगु जुयाच्वन । थुलि आज्ञा दय्वं हे देवराज इन्द्र
हथासं वयाः सिनावनेत तयार जुयाच्वंहा विरकुश महाराज-
यात काचावक ह्लाः ज्वनां पुष्करनीया तिरं थतहयाः अथे
सिनावनेगु तसकं अयोग्य, गुगु कारणं विरकुश महाराज

सिनावनेत तयार जूगु खः, आः उगु विषयलय् छुं चिन्ता
 काय्म्बाःल धकाः थम्हं ज्वनावःगु लोहितमणी मुक्तिमाः
 क्वखाय्काः हानं लखय् छको विरकुश महाराजया किपाः
 क्यन । थुबले महासुन्दर रूप्ह्य विरकुश महाराज थःगु रूप
 थम्हं खनां मनय् तसकं हर्ष मानय् यानां देवराज इन्द्रयाके
 थथे थःत कृपा यानागुया कारण न्यंबले देवराज इन्द्र अलिंदा
 महारानीं करुणामयया भक्ति यानाच्चंगु धर्मं करुणामयया
 करुणा चित्त उत्पन्न जुयावयाः थःत उगु मणिमाः क्वखाय्-
 क्यत बियाहःगु फुक्कं खँ विस्तारं कन । हानं विरकुश
 महाराजयात श्री करुणामयया नामं अष्टमी व्रत पाले याय्गु
 तोते मते धकाः सल्लाह बिल । देवराज इन्द्र थःहे नं अष्टमी
 व्रत दनागुया पुण्य देवराज धाय्काः चवनेदुगु खँ कनां विरकुश
 महाराजयात उगु मणिमाः क्वखायाः स्वरूपगु रूप स्वयाः
 मणिमाः त्वयाः विरूपगु ख्वाः नं स्वय् धुंकाः देवराज इन्द्र
 विरकुश महाराजयाके बिदा पवनां थःगु थासय् लिहांवन ।

अनंलि विरकुश महाराज थः शैन्यत सहित हर्ष पूर्वक
 थःगु दरबारे लिहाँ बिज्यानां थःगु अन्तःपुरय् दुहाँ वने
 त्योबले पाले पहरातसें लँ पनां दुत मछ्वय्त संबले
 विरकुश महाराज नापं पुखुली वनां मोल्हुयाः ल्यूल्यू वःपिसं
 थःपिसं खंगु फुक्कं खँ विस्तारं कंबले तिनि द्वारपाल पुरुषपि
 नं तसकं लय्ताया थः जुजुयात सत्कारपूर्वक दुने छ्वत ।

अन्तःपुरय् दुने वंबले नं सुदर्शनां थःगु क्वथाय् अपरिचित

सुन्दरह्म मिजं छह्म वःगु खनां ग्यानां लाय् लाय्बुया हाल ।
 अले विरकुश महाराजयात गनं वयाह्म, सु खः ? अथे
 अन्तःपूरय् जुजुया ववथाय् मन्यसे दुहाँवःह्मसित जुजु वलकि
 प्राण काई धकाः धम्की बिल । विरकुश महाराजं थः सुन्दरह्म
 जूगुया कारण विस्तारं कननं सुदर्शना पत्याः मजूगुलि
 मणिमाः त्वयाः ह्मापायागु रूप वयननं सुदर्शना पत्याः मजुसे
 भन मायारूपी, छली, जालीह्म पुरुष भाःपियाः थः पतिव्रता
 धर्मय् च्वनान्चवनाह्म जूगुलि श्राप बियाः भष्म यानावी धकाः
 धम्की बियाः श्राप बीत्यन । अबले विरकुश महाराजं श्राप
 बीत्यंगुलि ग्यानां तीजक दनां पिहां वनां मन्त्रीगणपि छ्वयाः
 सुदर्शनायाथाय् बिन्ती याके छ्वत । मन्त्रीगणपिसं पुखुली
 म्त्रःलह्वलेनिसें जूगु घटना फुक्कं कनां विरकुश महाराज
 सुन्दर जूगु सुदर्शनाया पुण्य व अलिदा महारानीया पुण्यं यानां
 इन्द्र वयाः मणिमाः ववखाय्का व्यूगु खः धकाः फुक्कं खँ
 कन । यदि थ्व खँ मखु धयागु जूसा सुदर्शना रानीं इमित
 न्ह्यागु दण्ड व्यूसां फयाकाय् धयागु जिम्मा कयाः सुदर्शना-
 यात खँ न्यकेत प्रयास यात । थ्व फुक्कं खँ न्यने धुंका रानीं
 थम्हं स्वकेछ्वःह्म सखीं नं पुखुली जूगु घटना विस्तारं कंसेलि
 तिनि पत्याः जुयाः वाथाक्क दनां जुजुया तुति भोपुयाः थः
 अज्ञानी जुयाः द्व के लाःगुलि क्षमा पवनां विरकुश महाराजया
 सुन्दर रूप प्रति हर्ष ताय्काच्चन ।

कन्हे खुन्हु सुथय् जुस्येलि सुथय्या नित्य कर्म सिधय्काः

भोजन सिधय्काः थाय्थासय् चाःह्यू बिज्याःबले काशी
 देशया समीपय् थ्यंकःवन । थुबले कुसद्रम राजकुमारं थुगु
 समाचार सियाः पुरोहित मन्त्री काजी भारदारपि सकलें
 मुंकाः नाना प्रकारया हर्ष बाजं थाकाः सिदुर जात्रा यानां
 लँ स्वः वयाः थी थी कुशल वार्ता यानां जुजु दर्शन याःबले
 कुसद्रम राजकुमारया मनय् विस्मय चायाः थः दाजु खःला
 मखुला मेह्य हे मनू जकं जुजु जुयाः वःगुला घकाः मनय्
 सन्देह ज्वीका च्वंगु खनां विरकुश महाराजं थम्हं ववखाया-
 तःगु मणिमाः तोयाः विरूप जुयाः वयन । हानं मणिमाः
 ववखायाः स्वरूप जुयाः वयन । अले मणिमाः व पलेस्वां
 पुखूया खँ कनां मन्त्री भारदारपि सकलें मुना नाना प्रकारं
 बाजं थानां मंगल यात्रा यानां धूप थनां राजद्वारय् दुत
 यंकल ।

राजदरबारे थ्यंस्येलि अलिदा महारानीया तुती भोपुयाः
 छखे सुंक च्वंवन । अलिदा महारानीया मनय् विस्मय चायाः
 जुजुया खाः स्वयाच्च्वंगु खनां विरकुश जुजुं मांया सन्देह
 मदय्का बीगुया लागि मणीमाःया प्रभाव वयनां विरूप जुया
 विन्ति यात— अष्टमी व्रतया प्रभावं सुदर्शना गुकथं नापलात,
 लडाईं त्याकाः सुदर्शना व्वनां लिहांवःबले पलेस्वां पुखूया
 सिथय् बाःस यानां सुथय् खाः सिलेत वंबले थःगु खाः
 लखय् खनां विस्मय ज्वीकाः पुखुली ववव्वानां सीत तयार
 जूबले करुणामयया दयां देवराज इन्द्र वयाः मणीमां बिया

थकूगु कारणं यानां थः स्वरूप ज्वीदुगु आदि फुककं विस्तृत
 रूपं खँ कन । फुककं खँ न्यनां अलिदा महारानी करुणामयया
 गुण लुमंकाः मनं मनं नमस्कार यानां मणिमाःया प्रभाव
 खनां अलिदा महारानी थ्व मणीमाःया प्रभाव जनतापिनि
 दथ्दी नं वयने माःगु खँ विरकुश महाराजयात धयाविज्यात ।
 अले विरकुश महाराजं दर्शन शालाय् च्वनां सकल प्रजागण-
 पिन्त, गुरु पुरोहित, काजी भारदारपि सकलें मुंकाः थःगु
 मणिमाः क्वखायाः थःगु सुन्दर रूप वयन । अले सकल प्रजा-
 गणपिनि जुजुया सुन्दर रूप खनां मनय् आश्चर्य चायाः
 वाताहां च्वनाच्चंगु खनां मणिमाः त्वयाः ह्लापायागु रूप नं
 वयनां दर्शन बिल ।

थुकथं करुणामयया दयां प्राप्त जूगु मणीमाःया प्रभाव
 वयनां मन्त्री भारदार प्रजागणपिन्त करुणामयया भाव भक्ति
 अटूट रूपं याय् फय्क्यमाः, अष्टमी व्रतया पालन यानां थःगु
 मनोकामना पूर्ण यानाच्चवने फे धयागु उपदेश बियाः मन्त्री
 भारदार व प्रजागणपि सकलें हे अष्टमी व्रत पालन याय्गु
 लागि तयार जुयाच्चंगु खनां विरकुश महाराज व सुदर्शना
 सहित तसकं उत्साह जुयाः पुरोहितया वाक्यं अष्टमी व्रत दनां
 सुखभोग याना च्वन ।

थुकथं राजा रानी प्रभृति मन्त्री काजी भारदार सहित
 प्रजागणपि सकलें मुनां एक चित्तं धर्म व्रत दनाच्चंगु खनां
 थवं थवे प्रशन्न जुयाः कार्तिक शुक्लया अष्टमी खुन्दु

आकाशवाणी जुयाः विरकुश महाराजयात श्री करुणामयं दर्शन बिया बिज्यात । विरकुश महाराजं श्री करुणामयया दर्श प्राप्त ज्वीवं करुणामयया स्तुती भक्तिपूर्वक ब्वनां पूजा यानां क्षमा पवने धुंकाः करुणामय नं वरदान बियाः विरकुश महाराज जन्म जन्मान्तर थुगु धर्म यानां दान पारमितां पूर्ण जुयाः जगत संसार उद्धार यानां बोधी ज्ञान लानां लिपा शाक्य वंश ज्वीमा धकाः आकासवाणि आज्ञा दय्काः विश्व रूपया दर्शन बिया अन्तरध्यान जुयाविज्यात ।

थनंलि विरकुश राजा आदि फुक्कं मन्त्री काजी भारदार, प्रजागण प्रमुख फुक्कसियां धन्य धन्य करुणामय धकाः नमस्कार यानां थी थी करुणा तयाः धर्मय् चित्त तयाः आनन्दं चवन ।

करुणामयनं ब्यूगु वरदानं सुदर्शना गर्भवती जुयाः भिला दय्वं अति सुन्दरह्य राजकुमार छह्य जन्म जुल । अले गुरु पुरोहित मन्त्री भारदारपि सकलें मुनां करुणामयया व्रत पालन याःगु पुण्यं जन्म जूह्य जूगुलि उह्य बालकया नां उपवासकुश धकाः नामाकरण यात ।

थनंलि थूह्य राजकुमार शुक्र पक्षया चन्द्रमा बढे जूथें बढेजुया नाना प्रकारया शास्त्र इत्यादि सया वसंलि सकल मन्त्री काजी भारदारपि मुनां थूह्य राजकुमारयात राज्य लःल्लानां विरकुश महाराज थः मां अलिदा महारानी नापं सुदर्शना सहित ब्वनां तपोबन विज्यात । तपोबनय् नं

श्री करुणामयया भजन यानां ताकालतक चवनां तपस्या पूरा
ज्वी धुंकाः स्वर्गं विमान हयाः अप्सरागणपिसं चवाम्बलं
गायकाः गन्धर्वपिसं म्ये हायकाः नाना प्रकारं मंगल जात्रा
यानां अलिदा महारानी व सुदर्शना सहित आदरसाथ स्वर्गय
थत यंकल । थनंलि अमरावती धयागु भूवनय् थयंकाः देवराज
इन्द्रं थःगु आश्रमय् व्वना यंकाः आदर पूर्वक मुसुहुं ह्लिलाः
आज्ञा दयंकल— भो वीर चक्रवर्ती ! विरूप जुयाः विस्मय
ज्वीकाः पुखुली क्वव्वाय् तयार जुयाच्चंबले श्री करुणामयं
बियाहःगु मणीमाः नं क्वखायकाः दिव्य सुन्दर याना बियाः
तिनि विरकुश महाराजया मन बोध यायफ्त । आः तिनि
मनोरथ पूर्ण जुल । मखुला धकाः न्यंबले जूजु व रानीपि
फुक्कस्यां मनय् धन्य धन्य करुणामय धकाः वारम्वार
नमस्कार यानाच्चन । थुबले देवराजं विरकुशयात उपोषध
देवपुत्र धकाः नां तयाः लोहितमणि माः गन तयावया धकाः
न्यंबले विरकुशं थः काय्यात बिया वयागु खँ कन । थुकथं
विरकुश महाराजया काय् समेतं दयधुंकूगुलि विरकुश
महाराजयात तसकं भाग्यमानी जुल धकाः हर्षं तायकाः
पारीजात स्वां स्वपासः ह्लिलाः नाना प्रकारं पूजा यानां
भोजन याकाः आशन बियाः मानय् यानातल । थनंलि
विरकुश जुजुं हानं देवराजयात श्री करुणामय सुखावती
भूवनय् विज्यानाच्चंगु खँ कनां अनेक प्रकारं करुणामयया गुण
वर्णन यानां आनन्दं चवनाच्चन ।

थुकथं काशी देशयापि प्रजागणपि सकलं मृत्यु जुयाः
धर्म यानातःगु अनुसारं उद्धार जुयाः गुलि देवपुत्र व गुलि
जन्म हे काय्म्वाःगु मोक्ष गती लानां वन ।

उपवासकुश राजकुमारयानं श्री करुणामयया अष्टमी
व्रत दनां प्रजापि प्रतिपाल यानां काशी देश न्हाबलें सुभ
मंगल यानां अति वृष्टि, अनावृष्टि, संग्राम, जलमय, थलमय,
आकास भय आदी छुं हे भय मदय्क सुख आनन्दं राज्य
भोग यानाचवन ।



धर्मक्रीति प्रकाशन

(नेपाल भाषा)

- | | |
|---------------------------------|----------------------------------|
| (१) बुद्धया भिनिगू विपाक | (३१) लक्ष्मी छो |
| (२) अभिधर्म भाग-१, २ | (३२) महास्वप्न जातक |
| (४) मंत्री भावना | (३३) बाख्ंया फल भाग-१, २ |
| (५) ऋद्धि प्रातिहार्यं | (३५) जातक बाख्ं |
| (६) पोह्य म्हाय् | (३६) राहुलयात उपदेश |
| (७) पञ्चनीवरण | (३७) अहिंसाया विजय |
| (८) बुद्ध धर्म | (३८) प्रौढ बौद्ध कक्षा |
| (९) भावना | (३९) मूख्ह पासा मज्जू |
| (१०) एकताया ताःचा | (४०) बुद्धया अर्थनीति |
| (११) प्रेमं छु ज्वी ? | (४१) भ्रमण नारद द्वि. सं. |
| (१२) कर्तव्य | (४२) क्षान्ति व मंत्री |
| (१३) निम्बा | (४३) उखानया बाख्ं पुचः |
| (१४) बुद्धया अन्तिम यात्रा १, २ | (४४) पालि भाषा अवतरण-१ |
| (१५) त्रिरत्न गुण स्मरण | (४५) मत्ति भिसा गति भिनी |
| (१७) परिव्राण | (४६) बौद्ध ध्यान भाग-१, २ |
| (१८) कर्म | (४८) हृदय परिवर्तन |
| (१९) प्रार्थना संग्रह | (४९) ह्लापायाह्य गुरु सु ? द्वि. |
| (२०) बाख्ं | (५०) अभिधर्म |
| भाग- १, २, ३, ४, ५, ६ | (५१) सत्तरत्न धन |
| (२६) बोधिसत्त्व | (५२) महासति पठान सूत्र |
| (२७) शाक्यमुनि बुद्ध | (५३) शान्तिया त्वाथः |
| (२८) अनन्त लक्षण सुत्त | (५४) चरित्र पुचः भाग-१, २ |
| (२९) बासेट्ठी थेरी | (५६) बुद्ध व शिक्षा (क) |
| (३०) धम्म चक्कप्पवत्तन सुत्त | (५७) बौद्ध ध्यान |

(५८) कित्ता गौतमी	(८८) विवेक-बुद्धि
(५९) जप, पाठ व ध्यान	(८९) स्वास्थ्य लाभ
(६०) लुम्बिनी विपस्सना	(९०) शिक्षा भाग- १, २, ३, ४
(६१) विश्व धर्म प्रचार देशना	(९४) दृष्टि व तृष्णा
भाग १, २	(९५) विपस्सना ध्यान
(६३) योगीया चिट्ठी	(९६) जंग लाइहा लाखे
(६४) जातक माला भाग-१, २	(९७) सतिपट्ठान भावना
(६६) संक्षिप्त भावना	(९८) गौतम बुद्ध
(६७) महानारद जातक	(९९) धम्मपद व्याख्या भाग-१
(६८) पालि प्रवेश भाग- १, २	(१००) धम्मपदया बाखें
(७०) चमत्कार	(१०१) त्रिरत्न वन्दना व सूत्र पुचः
(७१) मणिबूड जातक	(१०२) त्रिरत्न वन्दना व पञ्चशील
(७२) महाजनक जातक	(१०३) संसारया स्वापू
(७३) गृही-विनय तृ. सं.	(१०४) धम्मपद (पाली)
(७४) बुद्ध व शिक्षा (ख)	(१०५) त्रिरत्न वन्दना व परिव्राण
(७५) बुद्ध-जीवनी	(१०६) आदर्श बौद्ध महिलापि
(७६) सर्वज्ञ भाग-१, २	(१०७) बौद्ध नैतिक शिक्षा
(७८) धम्मपद कविता	(१०८) वेस्सन्तर जातक
(७९) धर्म मसीनि	(१०९) दिर्घायु जुड्ढा
(८०) दान	(११०) पालिभाषावतरण भाग-२
(८१) तेमिय जातक	(१११) त्रिरत्न गुण लुमके
(८२) वम्मिक सुत्त	(११२) निर्वाण
(८३) मध्यम मार्ग	(११३) मनुतय्गु पहः
(८४) महासीहनादसुत्त	(११४) संस्कृति
(८५) भिह्मा स्थाय्य व काय	(११५) बुद्धया करुणा व ब्रह्मदण्ड
(८६) भिक्षु जीवन	(११६) प्यपु परिव्राण
(८७) भिह्मा मचा	(११७) विरकुशया बाखें